

صفية نصار

قلبي إتحرر

أشعار

بالعامية المصرية

الطبعة الأولى مايو 2018

بطاقة الكتاب

عنوان المؤلف : قلبى اتحرر
المؤلف : صفية نصار (شاعرة الجنوب)
التصنيف : أشعار
رقم الإيداع : 2018-10811
الترقيم الدولى : 978-977-6656-07-9
عدد الصفحات : 100 صفحة
رقم الإصدار الداخلى: 186
تاريخ الإصدار الداخلى: مايو 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

المنتر الرئيسي: ج.م.م. محافظة الشرقية - العاشر من رمضان - مجاورة 13 - امام سنترال 13 - عقار 304

الإهداء

إلى أهلى

وأحبابى

وأصدقائى

وقرائى الأعزاء

أتمنى أن تعجبكم كلماتى
صفية نصار

قلبي اتحرر

مهما هاتشرح ولا تبرر

انا قلبي اتحرر

ظلمك ليا دمع عنيا

غلطه ولا يمكن يوم تتكرر

انا قلبي اتحرر

قلبي خلاص رافض ضعفه

ولا محتاج من قلبك عطفه

قلبي اتحدي الريح وعواصفه

مهما يكون في البعد قسيه

قلبي اختار البعد وقرر

مهما تقول انك ندمان

او تعذر بانك غلطان

انا مش ها اصدق زي زمان

قلبي نسي الحنيه

لما الحلو معاك اتمرر،،،،،مرر

صدقہ مش غرور

ولا مات فيا اجمل احساس وشعور

بس قلبی حالف مایعیش مکسور

وانا عزة نفسي اُغلى حاجه فيه

فوق ماخياك يتصور

قلبی اتحرر قلبی اتحرر

خلي الطابق مستور

متقلبش يا صاحبي
وخاي الطابق مستور
انا عارفك قبل ماتحبي
وتخطي وتبقي كده مشهور
بلاش بقي تتعالا علينا
احنا اللي اسسنا وبنينا
ومهما كبرنا وعدينا
ولاسكنا فوق اعلي القصور
روح كده ربنا يكفيك شر الغرور
من تواضع لله رفعه وعلاه
واحنا عارفين البير وغطاه

ومن فات قديمه تاه
علي مين بتحور وتدور
روح كده ربنا يكفيك شر الغرور
الدنيا يا صاحبي مش باقيه لك
وإن ضحكت يومين مش دايمه لك
والغني مش بالجاه ولا كتر مالك
خاف يوم ترجع لي ذليل مكسور
روح كده ربنا يكفيك شر الغرور
انا لوجيت لي هافتح لك كل البيبان
الصاحب الجد وقت الشده بيبان
درس اتعلمته منك وانا الكسبان
كل واحد واصله و إنت كدة مشكور
روح كده ربنا يكفيك شر الغرور
متقلبش يا صاحبي خلي الطابق مستور

أسكت لإمتي

عايزيني أسكت لإمتي متكلمش

ارضي بظلمك ليا متالمش

ده كتير قوى جدا متحملش

شفت من قسوة كتير

وانا قلبي. حبه كبير

يزعل منك ما يبينش

حاسه بحاجة واخداك مني

شوية شوية تبعدك عني

وده احساس بيك وظني

وانا احساس ما بيكدبش

حاولت كتير وانت بتمنعني

رافض حتي تسمعني
واقرب لك خطوة ترجعني
شكلك كده مايطمنش
ان مش هاسكت تاني
ولو جاني قلبك يترجاني
لايمكن يشوف حناني
عشان بقلبي تاني ما يستهونش.

لو بکره مجاش

لو بکره مجاش
فیها ایه لو نستعجله
فی حاجه لسه ماتعرفه اش
العمر مش لسه فی اوله
وانا بستتی من سنین
خلصت الصبر وبدوب حنین
وانا وقلبی مشتاقین
نحلم والحلم معاك اكمله
وانا حلمي علي ادي
متسبنیش احلم لوحدي
وخذ معايا وادي

ده كل اللي عليك تعمله
حبيبي ايه بس يمنع
ان إنت تطلب وتسمع
خايفه علي قلبي يرجع
بجرح مقدرش اتحملة

إحنا النهارده يوم جديد

بالنسبة لينا ده اجمل عيد
بس نقول يوم اليتيم بالتحديد
لاياجماعة دي كدبة ابريل
اللي النبي وصي وعلا مقامه
تبقى السنه كلها ايامه
ويارب حقق امانيه واحلامه
هون عليه الصعب والمستحيل
يارب يجعل ايامكو اجمل اعياد
وانتو في عنينا وقولبنا بنات وولاد
ونتمني نشوفكم علما تصنع امجاد
مهندسين تعلي وتبني

ودكاترة باليدها تشفي
وتكونو فخر لكل جيل
وربك مفيش احن منه عليك
من فضله حبيب جميع الخلق فيك
والجنه اللي تحت أقدام الأمهات
مفتاحها ببتسامه منك وضحكة عنيك
واصبر تنول ده الصبر جميل
وكل اللي بيسعدك زيادة
تنكتب له حسنات بالف شهادة
زي اللي قام ليله طاعة وعبادة
وكلام جميع الأنبياء اكبر دليل
والوصايا لكافة البشر أجمعين
الرحمة شرع الله في كل دين
والكتب السماوية اللي بيها مؤمنين

قران،، توراہ،، زبور ،، انجیل
وکل من فرح یتیم مش بس یوم عیدہ
وطبطب علیہ ولمس علی شعرہ بالیدہ
عدد کل شعرہ ربک یعطیہ ویزیدہ
وتفتح لہ ابواب السماء نہار ولیل
وکافل الیتیم با اعلی مکان فی الجنہ
بجوار النبیین بیسعد ویتهنی
عایز ایه اکثر من کده تتمنی
یاللی فاتح قلبک وبتک
ملجاً للخیر وسبیل

راجع قلبك

راجع قلبك من تاني
يمكن تلقى لي مكان
وخليك مع نفسك ثواني
قبل ماتضيع العنوان
حبيبي بلاش تخسرني
وتيجي عليا وتكسرني
وتجرب فيا النسيان
انا مش بقول حبيت
ولا شفت منك ولا حسيت
بس يمكن اكون ابتديت
احس وياك بالامان

وهوه ده عندي كفايه
وهتقي احلي بدايه
ولوحتي دي النهايه
انا قلبي مهوش ندمان
اهو عاش له يومين وراضي
ولا ضيع عمره ع الفاضي
وده بالنسبه له مش عادي
حبيبي عيشني يومين كمان

لازم أبعد

حبيبي كان لازم ابعد
واسيبك تاخذ قرار
مش انا اللي احدد
إنت صاحب الاختيار
طول ماانا جمبك
وتملي في حضن قلبك
لاهتعب ولا تحتار
هابعد واشوف اخرة حبك ايه
وانت م الاول حبتني ليه
عايزة بر وانا ارسى عليه
تعبت من طول الانتظار

ولنت بتقول انسي واسامحك
وانا مين ينسيني جرحك
اعمل اللي تشوفه في صالحك
مش عين في الجنه وعين ف النار
وانا مش هتغرق ابدًا معايا
هيه كانت غلطتك م البدايه
كان قبل ماتبدا قصه وحكايه
لازم تكتب النهايه وتنزل الستار

مش هنسأك

مش هنسأك الا إذا
مات الاحساس فيه
او تحصل لي معجزة
تمحي صورتك من عنيا
وتقتل جوايا الحنين
وتنسيني انا مين
وتعلم قلبي الاسيه
بس زمن المعجزات انتهى
وقلوبنا ياما ضيعت وقتها في
إحساس ومشاعر صدقتها
كديه حلوة وانا خالت عليا

خلاص حبيبي بانت حقيقتك
متأخر قوي المهم اني عرفتك
انا عمرى ماكنت في يوم حبيبتك
ولا قلبك عمره مااحس بيه

نعمة الإحساس

مش بإيدي احرم قلبي
من نعمة الاحساس
ولا اقدر اموت حبي
لا اقرب واغلي الناس
كنا زمان غلاوة الذهب
بقينا ليه رخص التراب ننداس
بس بكره هيقدر وحتي التراب
ولا هيلاقو زينا ابدأ احباب
بتدي وهيه مش محتاجه
تاخذ م الحب ده حاجه
لابتستني جمایل تترد

ولا عايزه ايدين تتباس
وارجع واقول انا مش ندمان
لاقصرت في حقي ولا غلطان
انا اخلصت وضحيته بكل امان
ودا جزاء الحب والإخلاص

حسيت مليش وجود

حسيت مليش وجود في حياتك
قولت لروحي انسحب من سكات
هو إنت هتفكر في اللي فاتك
لاياحبيبي خليك في الجايات
انا بالنسبة لك ماضي عدي
وهيه لسه في النهارده
سيبك من كل اللي فات
ولا يهمك من طول غيابك
وارجع لوتقدر بعرك وشبابك
وانسي امبارح بكل احبابك
وانسي حتي الزكريات

انسي اني كنت صغيرة
زي القمر وشمس منوره
وزى ماجري لك عليا جري
بصلي كده ها افكرك بحاجات
الزمن غيرك زي ما غير فيه
وده لا بيدك ولا بيديا
حبيبي ولوني ده صعب عليا
اقولك إحساسي بحبك مات

باسم الحب

قبل ماتسبيني وتأخذ جمب
قول عملت ايه واياه الذنب
ولا انت دايماً عنيد وصعب
رافض حتي تسمع منا
سببتي وإنك اعز حبيب
قولت لي اللقاء قسم ونصيب
ووعدتني انا وقلبي تسال عننا
وافترقنا واحنا راضين
ولا كنا في يوم بايعين
دحكم القدر والسنين
يبقي الفراق مصير حبنا

وانا وقلبي فضلنا نستني
تسال في البعد ازي حالنا
وان كنا بنطلب ولا نتمني
باسم الحب اللي كان
بيجري في دمنا

إوعي ياقلبي تضعف

إوعي ياقلبي تضعف لا

وتنسي عذابك سنين

خلي عندك كبرياء

وخبى جواك الحنين

مش بكلمه ننسي قساه

ونرجع له متشوقين

لا ياقلبي ولا تسال هو ه فين

مش هتلاقي عنده رد

قسوة قلبه فوق الحد

ولنت عايش الحكايه جد

بس انا هاقول لمين

وانت مبتسمعش غير كلامك
وبتجري وراء اوهامك
تفتكر انه دايب في غرامك
لاياقلبي دي قلوب قاسين
بتوعد كثير وتخلف
ولما تقابلك بتحلف
ومهما تقول وتوصف
اوعي ياقلبي تضعف
واياك تصدق دول كدابين

بناقص

بناقص يا حبيبي م الجواب
هيعمل ايه كلام ع الورق
لا هيرحمني م العذاب
ولا هيرجع عمر اتسرق
سمعنا كتير وادي اللي نابنا
شهد كلامك مر عذابنا
سنين ضاغت وعمر اتحرق
بناقص م الاماني والاحلام
بناقص م الكذب والالوهام
وانسي إن كان لك حبيبته
في يوم من الأيام

وانت اللي قولت نفترق
حبيبي وفر ورق وقلم
وبلاش بقسوتك تضغط ع الالم
انا ماصدقت انساك
والجرح اهو طاب ولم
هوه امتي قلبك رق
بناقص

المؤمن دايمًا متصاب

ومصيبتى كانت هيه
حبىبتى قلبها دايمًا كداب
والكذب زى الهوى والميه
بتمثل دور البريئة
فى الاقناع لها الف طريقه
اصلها شاطره دي حقيقه
لو امتحنوها تجيب النهائيه
حلوة خالص والكذب عيبها
ومحسوبكو ميت فى دباديبها
وكل غلطه منى تحسبها
هتجننى دي حاجه مش طبيعىه

ياريت حد يقول لها
تغير شويه من طبعها
مش بعد قلبي ماحبها
تتعلم القسوة فيه
ساعات الاقيها طيبه
وساعات عصبيه ومتعبه
ولو اقسي عليها تزعل
واخاف انا عشان دمعتها قريبة
ودموعها دي غاليه عليا
بقالي سنين عماله اهاتي
بتصل بالتلفزيون يوماتي
وعشان طيبه علي نياتي
افتكرته ملك لكل المصريين
علي حد علمي وبصري

قریت علیہ التلفزيون المصري
خبط علي كل باب مش واحد واتنين
وقلت ياناس انا واحده مصريه
عندي موهبه شاعرة غنائيه
واحنا في زمن الحريه
اسمعوني عايزة اقول كلمتين
وكأني بادن في مالطه
عشان انا مليش واسطه
ولو الايد طايله ولا باسطه
كان يمكن تستحي العين
وانا عندي مبدا وضد الرشوة
مفيش خد اشرب شاي ولاقهوة
ومش هاتحصل غلطه ولا سهوة
وبناقص من تلفزينكو ومتشكرين

بس لازم نعمل ثورة ع الاعلام
من غير ماتدفع ايه ولا كام
والشعب اللي اسقط اقوي نظام
تتفتح له بدال القناة خمسة وعشرين

سبيك م الأحلام

حبيبي سبيك م الاحلام

احنا نقدر نحققها

هواك كدبه اوهام

قلبي انا صدقها

خيال حقيقة المهم نعيش

اهي حاجه احسن من مفيش

ثواني لو من الزمن نسرقها

من اد ايه مشتاقين

ننسي عذاب السنين

وندوق طعم الحنين

ونحب ايامنا ونعشقها

حبيبي ازي تبعد كده وليه
قلبي مابطل نداصعبان عليه
هوه العمر كله فيه اد ايه
يادوب ساعات حرام نضيعها
اللي باقي مش اد اللي راح
ولا في في الوقت براح
خايفة من كتر الجراح
وقلوبنا مش حمل اهه
من القلب تحرقها

خايف م الهوي

إنت خايف م الهوي
طب قولي ساكت ليه
ماتيحي نقولها سوى
ولانت مستني ايه
هوه هواك مش باين عليا
ولا بتشوف الشوق في عنيا
ولا حسيته في لمسة ايديا
اكيد قلبك زي قلبي حس بيه
خايف م الهوي وانا وياك
بحبك بحبك من قبل لقاء
كنت بحلم دايمًا معاك

وقلبي اقل حاجه منك ترضيه
حبيبي هو هواك ليه مدراي
وشاغلني طول ليلي ونهاري
يامحير قلبي وافكاري
لوتفتح قلبك تلاقيني فيه
حبيبي انا سمعاه اهو دق
وشوق عنيك قرب ينطق
صدقني والله ملكش حق
تخاف م الهوي لاخاف عليه

كان ليه ؟!

كان ليه باحبيبي اتقابلنا
لما الفرق كان مصيرنا
كنا سبنا الحب لحد غيرنا
لا انا ولا إنت من اهله
ليه نجرح في قلوب
مش هتغير مكتوب
وحالفه لايمكن تندعله
الحب غيره وحيره نار وعذاب
وفي لحظة كده حبيبك غاب
وتيجي تدور ع الاسباب
كلمه واحد فينا قالها من جهله

هوہ الحب دایما کده
مش کل ساعاته رضا
ولو سمعت منك نداء
اقول قلبك یجي علي مهله
انا مش عایزه منك حاجة
بس برضوا كنت محتاجه
کلمه حلوه دي فیها حاجة
طب قولها لو شایف
عنیا یستاهلو

يا مصر يا أم الدنيا

يا مصر يا أم الدنيا ياللي
محدث بيتغرب فيكي
فاتحه بابك ومرحبه تملي
خيرك ع الكل امنا ربنا يخليكي
الغريب قبل القريب
شيلاه جوه عنكي
كلك طيبه حب وحنين
ومختلفش عليك اتنين
لو نبعد نرجعلك متشوقين
بنموت من خوفنا وشوقنا ليكي
في حضنك بنحس بالامان

و لا بيحلي لنا غيره مكان
واللي مايشرب من نيلك
يفضل عمره كله عطشان
وناقصه حاجة ولا تكمل غير بيكي
تسلمي يامصر يام الرجال
يارافعه رأس كل الاجيال
علي شط نيلك يحلي الموال
وانا وقلبي فداء ونلبي النداء
لوتطلبي بروحنا نفديكي

أمي الحبيبة

امي الحبيبة بكتبك رساله
وانا في الغربه حالتني حاله
ملقتش زيك في الكرم والاصاله
ولا زي ولادك الطيبين
انا مهما بعدت إنتي في دمي
منستش لحظه حنائك ياامي
مفيش غيرك يحمل همي
ياام النساييم قل وياسمين
شبعث غربه وقلبي داب
واشتاقت ليكو ياكل الاحباب
وع الصبر محناش قادرين

امي الحبيبة ياما إنتي وحشائي
خديني لحضنك نسيني احزاني
ضميني خاليني احس بكياني
انا شوقي بكى القلب قبل العين
نفسي اشرب من نيلك
وارجعك من تاني اغني لك
وبالعلي صوت اغنيك
انا دايب عشق وحنين
نفسي ارجع وتاخديني
جوه احضانك تدفيني
وبترابك اكحل عيني
ياللي ترابك كحل العين

بيحسدوني عليك

بيحسدوني عليك لما شافو

إيديك بتحضن أيديا

بيحكوا عن حبنا واوصافو

كانهم مستكترين الحب عليا

بيقولو انا لسه في قلبك

فاكرني ولاناسي حبك

يا ريتك يا حبيبي تنساني

بس اشوفك من تاني

كل حاجه فيك وحشاني

حبيب قلبي وعنيا

بشوفك دقيقه ولا اتنين

يادوب تصحي فيا الحنين

وتفوتني انا وقلبي متشوقين
وبنتحایل عليك تخليك شويه
بتجدد فينا احلي الاماني
ويصالحني وياك زمانى
وانسى حيرتني وحرمانى
والسهر طول ايامى ولياليه
بتحسدونا على إيه و ايه بقى
إحنا الفراق اكتر م اللقاء
هتعمل ايه التواني
قصاد سنيين متشوقه
ودايبه فيك حنيه

حببتك

حببتك بكل دقة قلب
حببتك بكل معاني الحب
كنت بتمناك تحس بيا
ولا اسمع كلمه بحنيه
عملت المستحيل عشان بحبك
وقولت مره يرق قلبك
وانا ياما السهر دوب عنيا
وبعد طول حرمانى من صدك
وبعد ما غلبت استنى ردك
بعد مانفذ صبرى على عذابى
وبعدما ضاع العمروزهرة شبابى

دلوقتي بس حسيت بيا
وجي تقولي بتحبني إنت
شوف كدة بستني من امتي
انا برفض حبك وانا ياما اتمنيته
وبكره قلبك اد ما حبيته
اتعلمت منك الاسيه
ياريت ياللي كنت حبيبي
بعدي عنك يعذبك وتحس تعذيبي
ولما تشرب من نفس الكاس
تعرف يعني ايه جرح الاحساس
وانك خسرت قلب مليون حنيه

بخاف منك

بخاف منك ساعات
وبخاف عليك اكثر
خليتني اشك في حاجات
طول الوقت فيها بفكر
مفيش غيرك شاغل قلبي
ولا حد يستاهل حبي
انا مهما اقول مش ممكن اعبر
حبك فوق الوصف عدي الخيال
ولا عمره خطر على بال
ولا حتي في غنوة ولا موال
اتقال كلام عنيك اللي بيسحر

امال انا ايه اللي دويني فيك
وخلي قلبي ملك ايدك
لما شوفت شوق عنيك
لقيت شوقي انا اكبر

أنا الشهيد

انا ضحيت باغلي ماعندي

انا واخواتي قبلنا التحدي

كنا فوق النار بنعدي

نحارب ناس مات فيها الضمير

ارهاب خسيس لعين

في كل كتاب ودين

واحنا الشعب نصاري ومسلمين

عايزين الحكم عاجل في ميدان التحرير

عشان يكونو عبره لما مصر ترد اعتبارنا

بكده تقبل عزانا وترفع علمنا

وتبقى فعلا اخدنا بتارنا

ده اقل واجب موش كتير

للي ضحي بدمه وروحه
للي اتحمل الامه وجروحه
نسي كل اماله وطموحه
وقال اموت فداكي
ولازم من التغيير
وكفاية انا عايش ف الجنة
نولت فيها اكر ماتمني
لاخطر علي قلب ولااملنا
نشوف كل ده نعيم وخير
ملايكه ع الصفين قابلوني
وع الحور العين زفوني
انا الشهيد عريس الجنة هنوني
وارتاحي يامه فرشي وغطايا
حرير في حرير

بص لي يابني

بص لي يابني شوف ازي بقي حالي

مفارق الدنيا وساييلك كل غالي

مخدتش كتير ولاقليل من مالي

اتاريها مش دايمه لمخلوق

اصحي لنفسك يالا وفوق

الإنسان سيره لاتقول عمي ولاخالي

وانا مش هعيش لك ع طول

ومش بخاطري اسيبك وقلبي مشغول

وياما قولت لك ولسه هاقول

اعمل حساب لليوم ده

اللي مجاش ابدًا في بالي

وسامحني ياابني لوز علتك يوم
الدنيا مش مستاهله ولا بدوم
ولوقسيت عشان مصلحتك
مش بقصد ازعلك وتبات مهموم
وانت لوتطلب نجمه اطلعك
السماء العالي
الفراق صعب متبكيش ياعين
الموت عليناحق نروح منه فين
كاس ودايرواحنا راضين
بس امانه تدعلي بحس الخاتمه
وكرمن دعاك انقطع عملي
وحسك في الدنيا ودعوتك بقيالي

يا جيش يا مصري

يا جيش يا مصري كل الشعب بحيك
الف تحية ومليون سلام ربنا يحميك
يا حامي حدودنا يا فراعنه اصل جدودنا
خير جند الأرض الله الله عليك
انتو فعلا اهل ثقته واد المسؤليه
انتو فخر لكل مصري ومصريه
انتو اسم ومعني للحرية
وحماية وامان لينا وليك
يا جيش يا مصري ربنا يحميك
من حقي ارفع راسي
ده جيشي ودول اهلي وناسي

الغزه والكرامه دي هيه اساسي
ومصر امانه صونها جوه عنيك
ايد واحدة شرطه جيش شعب
مسلم ومسيحي بندعي نقول يارب
مصر تفضل حزن الامان والحب
ام الدنيا تعلي وتكبر بيك
يا جيش يا مصري ربنا يحميك

إلا كرامتي

كرامتي فوق كل اعتبار
ولو روعي مشتاقه لك
مش لا هقبل اعتذار
وكلمة سماح صعب اقولها لك
سمحت كثير وعشان قلبي كبير
سبتك تعمل مابدالك
كنت بخبي عنك دموعي
واسجن شوقي مابين ضلوعي
وانت ولا علي بالك
لوشايف قلبي نقطة ضعفي
انا كرامتي اغلي من عواطفي

ورافضه حتي القمر
لوجبته ما بين كفي
وعملت الشوق موالك
مش ها غفر ولا اسامح
ومش ممكن اصالح
قسوتك غيرتني والنهارده
انا مش زي امبارح
ولا قابله خلاص اعزارك
ظلمك ليا قساني
وغدرك بيه نساني
مستحيل ارجع احبك
وارضي يوم بهواني
ولا قلبي يصفالك
الا كرامتي

حبيبي ليه ؟!

حبيبي ليه بتقربني منك
وانت في حياتك حد تاني
ليه خلنتي احس انك
مشتاق لحبي ومحتاج حناني
شايف روحك معايا ولا معاها
هتقدر تنساني ولا هتساها
انا قلبي في حبك. اناني
مش عايزه ليا شريك
ولا اي واحد تفكر فيك
زي ما انا كلي ليك
متفكرش في غيري ثواني

هيه مش هتحبك ابدأ ادي
ولو إنت هتتحمل بعدي
هاقولك يا أغلي ما عندي
ارجع لها وحاول تنساني
الحب مش كلمه بحنيه
ولا هانعيشه بس امنيه
الحب لازم يكون تضحية
لو بتحبني هاتضحى عشاني
انا قلبي في حبك اناني

بتضيع وقت

قربت منك كثير وحاولت
وجيت علي نفسي اتحملت
قلت سيبيني لما افكر
وادي إنت اهو فكرت
وجي وراجع من ثاني
تطلب حبي مشتاق حناني
لا يا حبيبي روح وانساني
إنت خلاص اتأخرت
اصل إنت فكرت كثير
شوقت نفسك عليا كبير
وفاكر قلبي لسه أثير

لا كان زمان مش دلوقت
حبيبي فكر كده وبراحتك
وشوفني لو مره جرحتك
هتلاقي كل همي كان راحتك
صدقني أنت اللي خسرت
مش هتقابل زي حبي تاني
ولا حد غيري هيملأ مكاني
انا نفسي اشوفك بترجاني
عشان اقولك يضيع وقت
بضيع وقت

يعز عليا

يعز عليا نفسي

لو انا قلتها لك

ياللي عذابني ويأسي

دايما بيحلاك

يعز عليا اقولها انا

وانا بستني من سنه

عايزها تيجي منك

متجيش ابدًا مني انا

قولها لي ولانت شايفها ضعف

لا يا حبيبي ده اجمل وصف

قولها مرة انا اقولها الف

بحبك بحبك وبعشق جمالك

يعز عليا اقولها انا

وانا بستني من سنه

عايزها تيجي منك

متجيش ابدًا مني انا

يعز عليا تكون مغرور

تحرم قلبك احلي شعور

افتح قلبك الحب نور

ودنيه هتتول فيها امالك

من فضلك

اجوك حبيبي من فضلك
ادي لقلبي من تاني فرصه
يحكي معاك يفضفض لك
مش رفض من اول حصه
انا موش عايزة دور البطولة
انا لسه صغيره سنه اولي
هبدأ اتعلم حرف في كل حصه
حبيبي اعمل معروف
علمني اتهجى الحرف
واكتب لك احساسى الملهوف
واسمع منك ولو همسه

حبيبي وحياتك طمني
وواحد واحدة عليا فهمني
كل ماتسلم وتحاول تكلمني
بدوب انا من اول لمسّه
وكل مااشوفك بتكسف
وقلبي الصغير يتخطف
هوه حبي ده ممكن يتوصف
وعيون قلبك ولا حاسه
شيفاني صغيره لسّه

أنا بندم

انا بندم علي احلي سنين ضاعت
مع ناس خاينين بالرخص باعت
انا هسال عليك مش حب فيك
عايزة اشوف دمة عنيك
قصاد مشاعر جوايا ماتت
قتلت فيا اجمل احساس وشعور
بخلك بني بينا الف سور
حاله نادرة ومفيش مبادرة
ومبقتش قادرة وانت ولا بتتقدم
واقفت في مكانك سابيت
بخل المشاعر اصعب داء

لاله اطبه ولادواء
والحب عندي زي الميه والهواء
وانا زهرة شبابي دبلت
من كتر ماقاست
انا راحتني في غيابك
وهنايا اشوف عذابك
لو ليك نبضه في قلبي
كان ممكن اقبل عتابك
ايام الطيبه عدي
عليها الزمان وراحت

إستحاله

إستحالة يبقي ما بينا حياة
الغدر ابدأ ملوش دواء
من كتر الظلم وقساه
قلبي انجرح وانكوي
عشنا اتنين وتالتنا السكات
احساسنا بالحب زمن وفات
مخلتش مكان للسماح
ولادقه للأفراح
ولانبضه للهواء
وانا مليت من صبري عليك
بعد ما كان املي رضاك

وقلبي كان ملك ايديك
وعمري وحياتي فداك
طول ما احنا سوي
دلوقت كل شئ اتغير
والحب كان امل كداب
اتاري عمر الهناء قصير
حلم وابعد من السحاب
لاحسه القلب ولامنه ارتوي

أنا بحسب للقا

انا بحسب للقا
بالساعات لا بالثواني
حبيبي انا متشوقة
تحية فيه الاماني
عايزة الوقت يعدي
بسرعه ولايهدي
اجري بقي يازماني
يمكن مكتوب لي معاك
ابدا مشوار حياتي
ولما يقرب لي هواك
انسى دموعي واهاتي

وترجع فرحتي من ثاني
شوف اد ايه فات وعدي
وقلبي دايب شوق وحنين
والفكر ياما جاب وودي
طول ما انت غايب من سنين
وقدرت تهجر وتنساني
وانا يا حبيبي بستني
واحسب لمعاد لقانا
ويا ما قلبي اتمني
قلبك بشوقه يلقانا
اد شوقي واكثر من حناني

هيه كلمه

انا قولتها واد كلمتي
انت ولا تسوي حاجه في دنيتي
ولو شفتك صدفه هغير سكتي
مش عايزة اشوفك تاني
إنت قلب خاين إنت اناني
وانا مش هديلك اي فرصة
تعيد وتزيد في نفس القصة
دي حاجه انتهت وخالصه
انا اكبر من إنك تشوف دمعتي
انا دمعي عزيز وغالي
وهان عليك زي اليالي

ولاجي مرة في بالي
ابقي في حضنك واحس بغربتي
كنت بتخبي كتيروداري عليا
وانا ياما غمضت عنيا
كانت حقيقتك قدام عنيا
مصدقتهاش وهيه دي غلطتي

خايفه

خايفه لما تسيبني وتمشي
العين في بعدك ماتنمشي
والدمع يدوب رمشي
حبيبي اتعودنا علي هواك
ارجوك ماتغيث كثير
يا اجمل م النسمة يا احلي عبير
انا وقلبي نفسي نظير
مش قادرة اصبر واستناك
حبيبي خليك إنت مكاني
هتصبر ايه اكر من ثواني
ياريت كان ليا عمر تاني

انا عمري ابتدي بلقاك
حسيت بوجودي وانا جمبك
ضمني اكثر لحضن قلبك
حبيبي ماتحرمنيش من حبك
دي حلوة الدنيا وانا وياك

لا متقولش

لا متقولش عدت ساعات
قول دقايق قول ثواني
اناكنت حاسه بحاجات
اتمني اعيشها وياك من تاني
هوه ده حلم ولا خيال
والشوق فوق الحدود عدي المحال
ده كان حقيقه ولا امانى
قدرت تاخدني من نفسي
وتكسر حصار قلبي وياسي
وتخليني انا بااعلي حسي
اقولك كان في حاجة نقصاني

انا عايزة اكثر من حبك
عايزة حبيبي وانا جمبك
اسمع كل دقة في قلبك
قبل عنيك بتقول وحشاني

أتحداك

اتحداك لو تقدر ع النسيان

بتبعد كتير يا حبيبي لآكن

قلبي جوه قلبك ساكن

ليغيرة بعد الاماكن

ولا يمحية طول الزمان

هتبعد تروح علي فين

وتنسي عمر واحلي شنين

عشناها بشوق وحنين

وحب خالص م الوجدان

اتحداك لو تقدر ع النسيان

وابعد يا حبيبي جرب

بعدي عنك واتغرب

قلبك ليا هيقرب

مش هيطاوعك ع الهجران

اتحداك حبيبي لو تقدر ع النسيان

واتحداني ان كنت تقدر

انا يا حبيبي بحب اكتر

وشوقي لعيونك مايتقدر

تعالى تعالى ومن غير ماتفكر

فين هتلاقى زي حبي ولا الحنان

اتحداك حبيبي لو تقدر ع النسيان

ليه ياقلبي

ليه ياقلبي م الحب بتشكي

د انت ياما ياما جرحت قلوب

ليه ياقلبي وليه بتبكي

وجي دلوقت تقولي نتوب

دوق ياقلبي اللي غيرك داقه

واتحمل نار الحب واشواقه

واياك تفكر في الهروب

وانت ياما جرحت قلوب

تستاهل كل عذابك

قولي ايه م الحب نابك

جي دلوقت تقفل بابك

لا كمل لوحتي هتدوب
إنت ياما ياما جرحت قلوب
انا حذرتك وبراحتك
طريق الحب مش ساهل
اخترت تعبك مش راحتك
إنت اللي تستاهل
مش هيفيد ندمك صدقتي
داري دمعك وتنهيدك
كل ما احاول اشكي
القاك بتسبقتني وده كان بايدك
وانا بنفذ امرك بس يادوب
وانت ياما جرحت قلوب

نسيتني إني انسانه

إنت نسيتني إني انسانه

لما احساس وليا كيان

يمكن اكون غطانه

فتحت قلبي سكنتك اعلي مكان

سيبتك تتربع علي عرشه

خليت الحب غطاه وفرشه

وعن طيب خاطر سلمتك مفتاحه

بس خلي بالك منه واياك تنساه

انا كل اللي انا عايزاه

احس وياك بالامان

مطلبتش منك المستحل

وراضيه حتي بالقليل
ومش شايقة معاك دليل
غير الحب اللي كان
وخلص من عمايلك اناهنساه
وابعد عن قلبك بكل قساه
صعب اتحمل ظلمك لا
والا صعب انك اقرب انسان

ايه اجمل من صوتك

في ايه اجمل من صوتك يصحيني
وعلي صورتك اصحي وافتح عيني
ولما تيجي سيرتك يزيد حنيني
بقالي كتير علي ده الحال
اسمك بقي لحن وموال
وايه اجمل من كده يتقال
ياللي بيك اخلوت سنيني
مش قادر تبعد عني
ووبتحنبي اكر مني
بس إنت كدة ظالمني
مش عارف ازي ترضيني

لابعدك عني ريحني
ولا قربك مني فرحني
وكانك قاصد تجرحني
ياريتك قولت ناسيني
كان حبك عليا هان
وقدرت انساك كمان
حبيبي قبل مايفوت الاوان
هيه كلمه منك قولها تحيني

أوصفك إزاي

ياللي حيرتني في وصفك
وكل كلام الهوي مايكفي
ياللي ملكتني بحنانك وعطفك
مهما اقول مش ممكن اوفي
سحرتني وتهوت فيك
من رقتك من سحر عنيك
لوقلبي ممكن يوفي
اقدمه علي كفي
وأكون شهيدة غرامك
وبلسم يداوي جرحك والامك
ولنار شوقك نسمة تظفي

قلبي ايه إنت اغلي منه
هوه عايش الاعشانك
يسوي إيه لو بعدت عنه
ولا ضاع إحساسه بامانك
إنت روح قلبي وكيانه
وكل دقة من نبضه حنانك
إنت غنوة بكل زمانه
وعزفها كان من الحانك

مسير الحي يتلاقي

مسير الحي يتلاقي

دي الغربه صعبة وفراقه

وانا علي بعدكم يا احباب

والله ماليش طاقه

ولحد امتي نفضل نقول

مسير الحي يتلاقي

بنسال كتير وانتو مش سألين

باين كده في البعد مرتاحين

واحنا بس اللي مش قادرين

ومن كتر حبنا والحنين

خطوتنا ليكو دايمًا سباقه

ولحد امتي نفضل نقول
مسير الحي يتلاقي
افتكرونا يا حبيبنا حتي بمرسال
وطمنونا كيفكم وازي الحال
هوه حبنا مجاش ولا خطر ع البال
امال وحشتونا ليه وعيونا مشتاقة
ولحد امتي نفضل نقول
مسير الحي يتلاقي
طب لو قدرنا ع الصبر ومراره
واتحكمنا في الشوق وناره
نجيب منين عمر يطول
وسنيننا بترمح منا وسراقه
ولحد امتي نفضل نقول
مسير الحي يتلاقي

من غير أسف

ايه يعني رائ مختلف

بتحصل كتير ويا ما

ارجع حبيبي من غير اسف

ولا حتي عتاب ولا ملامه

ايه كلمة اتقالت ساعة غضب

لا يمكن نغير مصيرنا لاي سبب

ولا هتسيب في القلب علامة

ظروف كانت صعبه

بعدتنا عن بعض حبة

زودت جوايا المحبه

وشوقتني لاحلي ابتسامه

حبيبي ياللي انا منك
مقدرش يوم ابعد عنك
وانا مش شايفه غير إنك
تقول لخصامنا مع الف سلامه

بُعْدُ إِيَّاهُ !؟

بعد إِيَّاهُ اللى يفرقنا !؟

أو يحرمننا يوم من بعضنا

إزاي نعاندا أشواقنا

واحنا الغرام فى دمننا

حبيبى إنت الدنيا

ولو بعدت عنك ثانيه

يغفر لى عندك حبنا

حبيبتى

إنت الحياه والحب

إنت نور العين والقلب

إنت روحى وعمرى كله

والبعد عنك حقيقى صعب

يا نبض ساكن قلبنا

بحب فيكى حتى الخصام

واللقا من غير كلام

من نظرة عينيك باشوف

كل الأمانى

وأرق سلام

فى لحظة حنين بتضمنا

حبيبتى أنا لسه باعشق

وقلبك مش برضه مصدق

إن أنا بيكى نلت المنى

وأحلى حلم وياكى اتحقق

بعد إيه ؟!

ولا يهمنا

السيرة الذاتية



من مواليد السكاكيني بالظاهر
كان والدها إمام مسجد بالظاهر
ولدت من جذور صعيدية
بقرية زرنبخ. مركز إسنا. محافظة الأقصر
هي أول من أسس ندوة ثقافية بقصر ثقافة منشية ناصر

في عهد جودت سباق رئيس قصر ثقافة منشية ناصر حينها
أول من حصل على شهادة تقدير على ورق البردي
لها لقاء على قناة أي بي سي
ولقاء في برنامج أيماننا الحلوه ومداخله على قناة المحور
نشرت لها العديد من الصحف منها. جريدة الحره اليوم
وجريدة الوطن والعربي الناصري ونصف الدنيا
لها كليب مصور من الشئون المعنوية للقوات المسلحه
باسم خلفتي يامصر ألحان الفنان حسن دنيا..
وأغنية للأم من ألحان حسن دنيا

محتوى الكتاب

2	بطاقة الكتاب
3	الإهداء
4	قلبي إتحرر
6	خلى الطابق مستور
8	أسكت لإمتى
10	لو بكره ماجاش
12	إحنا النهارده يوم جديد
15	راجع قلبك
17	لازم أبعد
19	مش هانساك
21	نعمة الإحساس
23	حسيت ماليش وجود
25	باسم الحب
27	إوعى ياقلبي تضعف
29	بناقص
31	المؤمن دايمًا متصاب
35	سيبك من الأحلام
37	خايف م الهوى
39	كان ليه
41	يامصر يالم الدنيا
43	أمى الحبيبه
45	بيحسدونى عليك
47	حبيتك

49	 بخاف منك
51	 أنا الشهيد
53	 بص لي ياابني
55	 يا جيش يامصرى
57	 إلا كرامتى
59	 حبيبتي ليه
61	 بتضيع وقت
63	 يعز عليا
65	 من فضلك
67	 أنا بندم
69	 استحاله
71	 أنا بحسب للقا
73	 هيه كلمه
75	 خايفه
77	 لا ماتقولش
79	 أتحداك
81	 ليه ياقلبي
83	 نسيتنى إنى إنسانه
85	 إيه أجمل من صوتك
87	 أوصفك إزاي
89	 مسير الحى يتلاقى
91	 من غير أسف
93	 بعد إيه
95	 السيرة الذاتية

